

671.4107
2014.129
088
18

太谷縣志



太谷縣志目錄

第一卷

方輿圖

縣境詳圖
五區分圖
山脈水道圖
城郭圖

年紀表

唐虞至民國

官師表

隋唐至民國

第二卷

選舉表

北齊金元明清
學校畢業
附薦辟

仕籍表

文職
武職

第三卷

地理略

津疆
梁域

驛沿
站革

汽山
路川

郵關
政隘

電溝
報洫

賦稅略

倉戶
儲口

差田
徭賦

雜稅

財
務局

第四卷

生業略

附農
物桑
產局

工
廠

商
會

教育略

學庠
校學
表

學
校

銘教
賢育
學校機關

禮俗略

附禮
方節
言

風
俗

兵防畧

商歷
團代
兵

附事
古

巡
警

保
衛團

第五卷

名宦傳

附唐
至清

鄉賢傳

分封
孝友

功勛
義行

忠烈
隱逸

宦蹟
方技

儒行
附遺聞

文學

第六卷

列女傳

烈婦
賢媛

節孝
壽婦

第七卷

營建考

城堤
碑亭

公署
坊表

廟學

古蹟考

城堡
金石

府墓
塚墓

壇廟
古樹

寺觀

第八卷

著述考

經目
子目

史目
集目

祀典考

祀孔儀文
祀關岳儀文

外編
附

太谷縣志卷八

箸述

昔鄭樵論求書之法謂因地而求因人而求蓋一方之典籍文章必於州縣志乘爲之部次條別其文獻始不至於闕失而可備他日中秘之徵也太谷鄉先輩之箸述明代以前書闕有間渺無可稽入清後人文漸盛箸述亦漸夥惟舊志藝文不載箸目蒐輯頗難茲就見聞所及並采訪所得者共箸目一百有五仿四庫書目例按經史子集分載之雖區區纂輯未免有所遺漏而一邑文獻庶得考其大概云

經目

古文尚書考

清溫紹棠
已佚

尚書纂註

清趙佃

詩經纂註

清李必澄

詩議三十一卷

清高希雍
稿藏家

杜受全跋

孟鍾跋

杜跋云先生乃吾鄉篤實君子也向聞高誼未侍教言前年拙
疑鄉約一論謬蒙慨許已卜爲今之古人茲復以所著詩議三
十一卷見示讀之其詞確鑿鑿語摯情真純從肺腑中自然
流出無一語拾人牙後美矣善矣夫近今學者不乏高明沈潛
之士待多溺於舉業雖讀詩書俱以文料視之求得一以經訓
爲畱畬者憂憂乎難之弟足跡未遠所交甚稀數十年來於祁
得程茂才守約於清原得時貢生敦甫守約品醇學粹苦卓安
貧敦甫闡發經義力掃陳言今得先生詩議鼎足而三矣先生

少於受全年一而學業如此受全長且衰而日月逝矣歲不我
與回首當年遽然一夢今讀大箸不覺汗顏芒背遽謝不敏焉
以書誌景仰後

孟跋云先生鍾之伯舅也光緒丁亥曾謁先生於鄉塾蒙以詩
議見示鍾受而讀之見其立言必本於性情溫和不敦厚流溢楮
間深得詩人遺意按詩議一書先生之驚懼無措時外祖善長公
先生寓遠商賈敗虧官帑諸舅聞之驚懼無措時外祖善長公
正甫公年均耄耄先生不忍重遺老人憂慨然獨任其艱立赴
窮遠困縲者五年事乃解先生之言曰周文王姜里演易太
史公腐刑作史古聖賢人何敢僧擬惟在縲絏中憂思迫切萬
慮紛如深恐亂吾性情之正而思有以養之因作詩議以自遣
間或爲此中人講說始則茫然感而少有所悟久之漸以化其
戾氣而抵於和於以歎詩教之感人深而孟子性善之說爲不
朽也爾小子其識之今先生歸道山二十年矣敍庭表兄恐先
人手澤久而散漫屬鍾校正將以付諸棗梨因校而歸之並識
其梗概及先生之遺訓於後覺與旨
微言猶然在耳爰不勝渭陽之感云

三禮纂註

清李必溶

儀禮問津

清孟先穎

公羊析義

清溫紹棠
已佚

史目

讀史論略詳註

卷

清趙佃
未刊

稿藏武氏家

史記纂評

同上

讀漢書雜詠二卷

同刊行

常贊春序

趙昌燮跋

常序云詠史之作導源風雅感時述故以寄遐心漢魏詩一篇事同斯旨爰及典午始有專標詠史之篇及或詠一人或詠一篇事

者南北作者不尠斯章迄乎李唐詩家輩出且爲近體然尙無專以詠史爲集者也自胡曾氏始專取詠史勒以成編然彙合

古事亦非斷代爲限也宋劉班氏始有兩漢蒙求之撰專述漢事然取便記誦約以四言又不得以詩例也明李東陽嘗作詠漢

史樂府摘取史事命題出以韻語鉤玄提要且示勸懲清初樂侗氏亦沿其體而成明史樂府張晉氏更補其遺成續明史樂

府雖云叶聲韵加以辭華而使讀者於吟諷之餘兼通史誼較諸論史夫固殊途而同歸矣耦漁趙年文素位齋詩集向經史

君卓如選定贊與校讐之役丈熟漢書有撰箸贊文集序丈曾讀之特未見其書或散佚而未加理葺歟乃頃趙子鐵山集以丈讀漢書雜詠寄示且屬序言受而讀之題則詠事詠人或分或合體則亦古亦近信乎能兼取先民所長供吾驅使知讀書之訣且知詩文之訣者也贊妄謂素位齋詩似此乃真見所長若夫流連風景感懷人事詩家之長烏能執以傳丈哉或有疑詩體維糅不若專攻一體者抑知詩本性情隨感託諷六代李唐詩家諸作班班可考胡劉諸作論詩者何以不重也尤張雖云以詠史爲創然體不拘一格標名樂府詎協遺音彼孫星衍氏以租鐵詠史名集矣不拘體式其故可思是亦無傷於詠史矣還論鐵山其亦以贊說爲有取乎

趙跋云漢書雜詠二卷耦漁夫子素位齋遺箸之一也乙卯歲仲兄命變輯刊吾師詩文存即擬附刻初吾師授變是冊雖誦經年未錄副嗣以同門請讀者衆師復欲刪定攜去曩檢吾師殘書牘簡不可得仲兄深以爲憾壬戌夏漁山四弟整飭書屏拒塵却蝨乃偶然拾得變亟事校讐錄假鈔之胥屬楊君致和讀禮家居許弁以序言未幾致和應都中政友之胥招稿本攜行和

篋匆忽北上期緩日以報去春雙硯困秋中仲兄病卒今夏得
致和書亦以咯血疾作不能事筆硯郵筒往復相爲慰藉延及
秋初致和遽歸道山竟不獲一言之加悲夫是作爲吾師讀史
餘事師之教弟子也讀經有說史有杜氏讀史論略之詳註詩
古文辭則各有評選本此復以讀史之才之識鑒楮鏤鑄於五
七字句中長篇有短章皆具法程褒砭抑揚胥不失詩人微婉之
旨非特便記誦示渠燿而吾師循循於學者之苦心亦槩可見
矣然則是編之傳固不以得致和一言爲重變惡用是歟歟爲
哉第以致和之學足爲吾鄉時賢翹楚與變尤結深契憶辛酉
至於癸亥詩篇唱酬君因有伐木之編變存君詩簡亦積厚逾
寸每過余齋與燮兄若弟挑燈促膝舊學商量永夜不肯言歸
轉瞬而鵠原抱痛風雨傷懷燮且頽廢於痼疾今昔撫思情何
能已適來君家見還是稿將走函曰序於子騷同年
覆加參訂一時根觸數語書後用誌師友之感云

評選張天如歷代史論

同上

稿藏武氏家

咸同大事記

清溫紹棠
已佚

苗防要覽四卷

清杜瑞聯

瀛環志略考證

清趙佃

太谷志初稿

明陳時道

明萬歷丙申太谷縣志

知縣喬允升創
已佚

太谷志稿

清杜可柱

清雍正己酉太谷縣志

知縣王廷贊序

武一韓序

黃鑑跋

杜公寶跋

王序云封建遠而史湮史湮然後志作今之志
合之郡郡合之藩詳定考實合之宗伯是志雖始
於郡縣而籍則掌於天府凡疆域道里山川物產
里數戶口兵刑錢穀有關於民生日用會計幽明
禮樂之數足爲政治之權衡者皆具其

中一有取舍歛散則按圖而考以及古今人傑載垂不朽激濁揚清可以曠世而相感蓋煌煌鉅典也自浮夸始於左氏後之作者無論寡陋之芳蹟閉塞湮鬱而不宣即有博學廣淵苦心森羅政教名碩之蹟閉塞湮鬱而不宣即有博學廣淵苦心掇拾之彥逞芬華於古無足徵信幾欲取傳揚徽失實得半誇全使百世而下憑弔往古無足徵信幾欲取傳揚徽失實得半誇全國有志用以傳信斯安在其傳信也歲己酉余膺簡命來莅茲土甫及半載恭遇皇上命儒臣纂一統志大中丞石公藩憲蔣公纂山西通志徵各屬郡邑志以備採擇爰有重修縣志之役予乃敦請鄉縉紳先生進士武君一韓等共襄厥事披覽舊章詳加考證夫惟山川形勝固千秋不改無容增損矣他如民情習尚之變遷宮室坊里之興廢雖事屬瑣屑實廢名存亦必詢採綜輯纖悉不遺若人物爲風俗之本綱常關名教之大在昔賢人君子纔有懿行昭垂芳名布冊按其境則事無可蹟籍無可考者仍依原本鐫錄蓋善欲長之意也更有今爲荆榛邱阜蒙密蔽翳蟲虺狸鼠之所棲而昔賢曾憇茆而過歷之者不妨旁搜廣證以顯其踪蓋記德不厭詳足以新後世之耳目使人震於其名而慕之也至數十年來忠孝節義不乏著見矢公矢

慎不闡幽表微雖烜赫不爲假借雖側陋亦與顯揚藉使評衡有
爽不惟爲輿論所譏而賢人君子義士節女之英魂烈魄蓋有
伏別怨於冥冥者敢以一語之誕謬爲千秋榮辱之倒置哉爰分
命釐定嗣俾後之莅茲土者開卷瞭然按其規模乘權而布
武序云志以識郡邑之事郡邑之文獻也合禹貢職方周官蹟
爲書經之志緯之如輪之貫輻而紀之屬綱舉上數百年之蹟
釐然備具於尺幅之中故作者不輕而行者可遠谷邑舊有錄
本未有志志自明萬歷丙申始草創缺略居多蓋創始者難爲
工理固然也洎國朝順治乙未仍翻舊本於鼎興以來事蹟
另闡入一冊一書而二之體裁又甚不倫參考互訂梓爲成書
若有待焉恭逢聖天子踐祚之七年命儒臣纂一統志用紀公
道化成之休爰昭海宇昇平之烈大中丞石藩憲蔣採訪名公
纂山西通志因下修府州縣志之檄邑侯王公屬余襄厥事余
惟紀載有體志之體史之翼也遷之記固之書尙論者以爲贍
而不華詳而有體而志可知矣志必結撰謹嚴爲一邑不刊之
典與夫語林說部山海齊諧之辨博詠奇不同哉無取溢溢則

徒飾輪轅難美觀聽亦得前輩杜鳳麓先生遺稿先是康熙甲寅奉憲頒體式纂修成帙未授梓而中止余見其斟酌盡善詳略得宜宛若班馬家法因按行校讎稍加刪定脫舊稿而增其所未備雖學問識力萬有不逮前人而區區之心矢公矢慎不輕譽一人亦不濫入一事有可告如愧於天地鬼神者三越月而厭事竣焉凡爲卷八爲目三十而山川疆域風土人情與夫樂兵農忠孝節義莫不釐然備具於尺幅之中異日採風者悉其情形按生規模而次第從事其於吏治民生未必無少裨補云

黃跋云邑亂後世志可忽乎哉昔人有志無徵邑而無志稗官之經得以邑亂後世志可忽乎哉昔人有志無徵邑而無志稗官之爲有志人物者矣得華陽志志焉作山林乎古與得水經注焉志謂剝古與得洛陽伽藍志焉志之作山林乎古與得水經注焉志謂邑可無志是誣也志可忽乎哉而抑一志也載筆謹嚴非復滑之出入者經志非史而體之取裁者史一志也載筆謹嚴非復滑之稽游戲之章志固若一議焉重飭官志可忽乎哉而抑一議焉別利弊判興一議焉備經制也箸一議焉重飭官志可忽乎哉而抑一議焉別利弊判興

除也載在集中者無一之或駢拇焉一志也前之人示勸焉懲焉窮於今今之人示勸焉懲焉志固若是之重也志可忽乎哉今纂太谷志旣成例得跋數言故附臆說於編之末

杜跋云邑之有志猶國之有史邑有志記一邑之事國有史記天下之事皆所以昭典制於當時垂法戒於後世也志不綦重乎哉谷邑之志肇修於前明萬歷間至本朝續纂二次一冊分爲三截數十年來未有續而志之者其間風氣之遞變人事之推遷典章文物之散逸不有以續之寧無文獻不足之歎與仁皇帝御極之十三年奉文纂修頒雍豫二志爲式於時明府趙公延邑諸紳士胡先生仲升孫先生天章等參證校正而秉筆裁成羣推寶先王父石臣公焉其序事惟求簡明不尙浮誇衡文一軌醇正無取邪說有關風化雖微必錄無益勸懲雖顯庸且首有志尾有論皆明備得體有典有則方擬授梓因事中止迨憲皇帝御極之七年復奉憲檄修郡邑志邑侯王公因索先王父稿本披閱再三見其詳略得宜斟酌盡善曰今茲之役焉用改絃更張將十三年以後事蹟補敘各款之下便成完書因延邑進士文起武公及諸紳衿而家嚴齊凱公與寶亦謬參